





XXI Folge mir, sam tuon ich dir,  
     } herzeliebiu reine, dû guote, dû süeze!  
 tuost dû daz, sô wirt mir baz.  
     } daz dich got vristen müeze,  
 minne mich, sam tuon ich dich!  
     } sol ich iemer helfe alde fröude gewinnen,  
 frouwe mîn, daz müeste sîn  
     } vil gar von dînen minnen.

XXII Wolgemuoten, lânt di guoten iu behagen!  
 si sol von rehter arte der êren krône tragen.

XXIII Swâ si gât zuo der linden  
 mit wolgemuoten kinden,  
 dâ zimt ir wol daz reigen,  
 si zieret wol den meigen.

XXIV Ir zimt wol daz lachen,  
 daz kann si süeze machen.  
 si machet trûric herzen vrô, balt  
 si junget den, der ê was alt.  
 5 lopt ieman sîne frouwen baz,  
 daz lâze ich iemer sunder haz.  
 Nû heia, Tanhûsære!  
 vergangen ist dîn swære,  
 swâ diu liebe bî dir wære.  
 10 diu ist sô fröidebære.  
 dâ wurde wol gesungen,  
 getanzet und gesprungen.

XXV Nû dar! nement wâr, wâ diu liebe springet,  
 vor mir, nâch mir, swie der seite erklinget,  
 gestriket wol ze prîse,  
 ze blicken alsô lîse.  
 5 Wâ ist mîn frouw Matze?  
 der springe ich ze tratze!  
 nû seht an ir vüeze!  
 die machent ez sô süeze.  
 seht an ir beinel!  
 10 reitbrûn ist ir meinel.

XXVI Wâ ist mîn frouw Jutze, diu liebe, alsô lange?  
 daz Elle an dem tanze niht springet gedrange!  
 nû wol ûf zer linden, ir kint alsô jungen,  
 dâ wirt under kranze ze tanze gesungen!

XXVII Heia, sumerwunne,  
 swer uns dîn erbunne!  
 hie nimt der tanz ein ende.  
 swer uns die fröide wende,

XXVIII Den vermîden rôsen  
 und alle zîtelôsen  
 und aller vogellîne sanc!  
 mich twinget, daz mich ê dâ twanc.

XXIX Nû singe ich aber hei!  
 heia, nû hei!

XXX Nû ist dem videlære  
 sîn videlboge enzwei!

XXVIII<sup>3</sup> vogellîne] vogellînē *C Camm.* vogelline *Sieb.*

XXII<sup>1</sup> lânt] lânt *C* lat *Sieb.*

XXIII<sup>1</sup> gât] gat *C* get *Sieb.*

<sup>3</sup> reigen] reigen *C* reien *Sieb.*

<sup>4</sup> meigen] meigē *C* meien *Sieb.*

XXIV<sup>1</sup> zimt] zimt *C* zimet *Sieb.*

<sup>2</sup> süeze] fÿffe *C* suosse *Camm.*

<sup>3</sup> vrô] fro *C* fehlt *Sg. Sieb.*

<sup>8</sup> vergangen] vergangē *C* zergangen *Sg. Sieb.*

<sup>9</sup> diu liebe] dû liebe *C* din liep *Sieb.*

XXV<sup>1</sup> nement] nement *C* német *Sieb.*

<sup>7</sup> vüeze] fÿffe *C* fúoze *Sieb.*

<sup>8</sup> machent ez sô süeze] machent es fo fÿffe *C* máchentz  
 so súoze *Sieb.*